

Комсомолонь Авайгяль

Сембе масторонь пролетарияне, куромода маркс

ЛИСЕНЬДИ V-це КИЗОСЬ

Мокшэрзянь ВЛКСМ-нь
обкомть и Саранскяень
горкомть газетасна

Адресс: г. Саранск, ул. Ленина 11,
телефон № 1-72.

АВГУСТТЬ
12-ЦЕ ШИСТОНЗА
1937 КИЗОНЯ
89 (463)

Лисеньди ковти 12-коть.

Советский союзонь геройхнень — Чкалов, Байдуков и Беляков ялгатнень награжденияснон колга

СССР-нь ЦЕНТРАЛЬНАИ ИСПОЛНИТЕЛЬНАИ КОМИТЕТТЬ ПУТФКСОИ

Москуста—Севернай полюсу—Американь Соединеннай Штат-
тненьди васеньцеда тийф беспосадочнай героический перелетть
эряфс йотафтоманц инкса, СССР-нь Центральной Исполнительной
Комитетсь путнесы:

1. Каземс Краснай Знамя ордена Советский Союзонь геройх-
нень:

В. П. Чкаловть—„АНТ—25“ экипажть командиронц,

Г. Ф. Байдуковть—омбоце пилотть,

А. В. Беляковть—штурманть.

2. Максомс единовременнай ярмаконь награда перелетонь уча-
стникненьди: В. П. Чкаловти, Г. Ф. Байдуковти и А. В. Беляков-
ти колмогемонень тьожань цалковай каждайти.

СССР-нь Центральной Исполнительной Комитетть
председателец М. КАЛИНИН.

СССР-нь Центральной Исполнительной Комитетть
секретарец А. ГОРКИН.

Моску, Кремля.

1937 кизонь августть 9-це шистонза.

— 000 —

Достойнай комсомолецнень рекомендавандакшнемс партияв

Ленинский комсомолсь ащи ком-
мунистический партияти вернай
помошникос.

ВЛКСМ-ть уставсонза азф:

„Комсомолецсь лувонцы эс-
теенза оцюдонга-оцю Ches-
текс арамс ВКП(б) нь членкс
и сембе эсь деятельностьнень
и тонафнеманц мархта анок-
лакшнесы эсь прянь сонь ря-
донзонды сувамат“.

Кодама вывод эряви тиемс тьянь
эзда? Комсомольский организация-
неньди васендакига эряви цебяр-
гафтомс политико-воспитательнай
работась. Вдь сембе содасаськ,
што Коммунистический партиянь
рядтненьди присевихть аныцек
сят комсомолецне, конат полити-
чески грамотнайхть, конат педа-
пес преданнайхть Ленинонь—Стали-
нонь партиянь тевонцты, комму-
низмать тевонцты.

Тоса, коса хальдявста ладяф
воспитательнай работась, коса
комсомолецне аф тонафнесазь
Марксонь—Энгельсонь—Лени-
нонь—Сталинонь трудснон, тоса
аш мезе и корхтамска партияв
примамать колга.

А эряви азомс, што минь рес-
публикасонок лама комсомольский
организациява политико-воспита-
тельной работать юкстазь. Тяфта
ащи тевсь Шайговань района,
Рыбкинань, Ковылкинань, Торбе-
евань райоттнень эзга.

И аф случайнай ся, што 1937
кизоня нят райоттнень эзда фя-
вок комсомолец партияв апак
примак.

Сембе содасаськ, што партияв
приемсь панчф 1936 кизоня ноябрь
ковста. И тятиень шить самс минь
республикасонок ВКП(б) нь об-

комсь примась партияв аныцек
24 комсомолецт. Тя фактсь нингя
и нингя весть корхтай сянкса,
што комсомольский организация-
не лафчептозь воспитательнай ра-
ботать.

Лучшай комсомолецне эрявихть
анокламс партияв. Но эряви аф
юкснемс, што тя тевсь аф кампа-
нейский. Партияв рекомендован-
дакшнемс аныцек сят комсомолец-
нень, конат тевса няфтезь синь-
цень величайшай преданностьснон
партияти.

Партияв рекомендациянь максо-
мась—тя аф кампанейский тев, а
оцю и пяк важнай политический
тев. Тя тевса пяк вреднай и опас-
най огульной и необдуманной, бе-
зответственной подходсь. Но тяф-
тажа вреднай ся положениась,
мязра комсомольский организа-
циятне пелихть рекомендациянь
максомать лучшай и провереннай
комсомолецненьди.

Сталинский конституциять при-
мамац пяк касфтозе Советский од
ломатьтнень политический актив-
ностьснон. Тя положениась обяза-
вает Ленинский комсомолть нинге
сядонга пяк цебяргафтомс од ло-
матьтнень йотка политический вос-
питаниять и тьянь вельде вовлекать
комсомолонь рядтненьди сят од
ломатьтнень, конат няфтезь эсь
преданностьснон партияти, конат
активнайхть и политически гра-
мотнайхть.

Тяконь шовор комсомольский
организациятненьди эряви анок-
ламс цебяр и достойнай комсо-
молецнень партияв.

Партияв комсомолецт примаман-
ц эряви ванондомс, кода пяк
оцю достижения. Комсомолецти
аш сяда оцю честь, чем партияв
сувамась.

ВЛКСМ-нь ОБКОМТЬ ПЛЕНУМСТА

Августть 9-це шистонза ульсь
йотафтф ВЛКСМ-нь обкомть аф
очередной пленумоц. Пленумсь
Кулхондозе ВКП(б) нь обкомть
секретаренц обявностензон паш-
кодиенц Поляков ялгать сообще-
ниянь.

Поляков ялгась подробнайста
охарактеризовал ВЛКСМ-нь об-
комть руководстванц состоянианц
и областной комсомольский орга-
низациять состоянианц.

ВКП(б) нь ЦК-ть февральский
пленумонц и ВЛКСМ-нь ЦК-ть
III-це пленумонц решенияда меле,
Сталин ялгать указанияда меле,—
корхтай Поляков ялгась,—эряволь
ба сембе комсомольский организа-
циятнень вниманияснон мобилизо-
вандамс сянди, штоба кеподемс
сяда вярй революционной бдитель-
ностьть и педа-пес таргсемс ком-
сомолонь рядтнень эзда троцкист-
ско-бухаринский гадинагнень ля-
дыкс коряньснон.

Но тевсь ащи аф тяфта,—корх-
тай Поляков ялгась.—Комсомоль-
ский организациятнень эса отчет-
но-выборнай кампаниять йотаф-
томста, минь кой-кона организа-
циятнень эса ашезь путнев тя за-
дачась центральной задачкас. Тя
корхтай сянкса, што отчеттнень и
выборхнень пингста не сумели
таргсемс народонь вракнень и синь
пособникснон.

Мес ты тяфта лиссь? Тевсь сянь
эса, што ВЛКСМ-нь обкомса сек-
ретарькс работась народонь врагсь
Ивановсь, конац народонь врагт-
нень колга сигнальхень кяшенде-
зень, лездс гадинагненьди витемс
эсь подлай работаснон, калафнезе
комсомольский организациять ра-
ботанц, а сембеда пяк врединадсь
воспитательнай работати.

Аф ваномок сянь лангс, што
Ивановть враждебнай деятельнос-
тенц колга ульсь сигнахт, но
бюронь члеттне ашезь макс
большевистский отпор врагти и
ашезь тарга эсь пингстонза тя га-
динагнень лангу. Бюронь члеттнень
ашезь сата большевистский му-
жествасна, штоба разоблачандамс
гадинагнень Ивановть эсь пингстонза.

ВЛКСМ-нь обкомть бюроса тя-
чимс улихть и стама члентт, ко-
нат сотфт народонь врагтнень
мархта и разложившай элементт.
Бюронь членц Левин кирьнесь
соткс врагть Рогожинть мархта,

бюронь членц Киселевсь тяфта-жа
кирьнесь соткс вракнень мархта,
а бюронь членц Колядинць—разло-
жившай элемент.

Тянь эзда Поляков ялгась тийсь
тяфтама вывод, што ВЛКСМ-нь
обкомть бюроц неспособнай об-
ластной комсомольский организа-
циять мархта руководствати. Об-
комть бюроц неспособнай сянди,
штоба педа-пес таргсемс комсомо-
лонь рядтнень эзда троцкистнень,
бухариничнень, буржуазнай нацио-
налистнень и лия гадинагнень.
Обкомть бюроц неспособнай воз-
лаживать комсомолонь массатнень и
од ломатьтнень политический ак-
тивностьснон.

Поляков ялгать корхтаматонза
меле ушедсть ВЛКСМ-нь обко-
монь пленумть членонзон ожив-
ленной корхтамасна. Пленумонь
члеттне эсь корхтамасост таргазь
лангу народонь врагть Ивановть
подлай тевонзон, критиковандазь
обкомонь бюроть и сонь членон-
зон калдяв работань практика-
снон. Вешсть объяснения ВЛКСМ-нь
обкомонь члеттнень—Родионовать,
Киселевть, Левинонь и лиятнень
ширьде, мес синь народонь врагть
Ивановть мархта ламос работазь,
ашезь лифте лангти сонь.

Прениятнень эса корхтаматнень
йотамда меле пленумсь одобрил
ВКП(б) нь и ВЛКСМ-нь обкомтнень
бюронь решенияснон „ВЛКСМ-нь
обкомонь бюроть руководствань
состоянианц колга“, и кемекстазь
решениятнень народонь врагть
Ивановть, народонь вракненьди
пособникть Люпаевть и разложив-
шай элементть Колядинть рабо-
таста валхтомаснон колга. Врагсь
Ивановсь, пособниксь теенза Лю-
паевсь и Колядинць паньфть ком-
сомолста, обкомонь бюронь членц-
та и пленумста.

Пленумсь панезень обкомть пле-
нумонц составста двурушникнень
и вракненьди лездыхнень—Фе-
нинть, Ларионовть, Дунякть и
Антоновать.

Закрытай (тайнай) голосования-
са пленумсь кочкась од бюро, ко-
за кочкафт: Лисенков, Котелев,
Родионова, Дрыгин, Потапов,
Титов, Киселев.

Обкомонь васеньце секретарькс
кочкаф Лисенков ялгась. Омбоце
секретарькс Родионова ялгась.

— 000 —

Лучшай комсомолецне сувайхть партияв

Челябинск, августть 10-це ши-
стонза. Кассь комсомолецнень
ширьде заявлениянь максомась,
штоба максольхть теест рекомен-
дацият партияв сувамать колга.
Мекольдень 2 ковтнень пингста
Челябинск ошень Кировский рай-
комти максф 23 заявления. Нат
заявлениятнень эзда 15-сь разоб-
раннайхть и 14 комсомолецненьди
максфт цебярй характеристикат.
Партияв эрь поступающейсь эряви
всесторонняйста и тщательнайста
проверякшнемс. Эряви бдительнай-

ста ванондомс партийнай рядтнень
чистатаснон.

Кой-кона коммунистне недооце-
нивают лучшай комсомолецнень
партияв сувамаснон. Тя няеви тя-
ста, што Южно—Уральский маши-
на кинь коммунистне Калаховсь,
Нестеровсь и Авдеевсь кайфа ковт
кода ни макссть рекомендацият
комсомолецненьди Голубенко и
Заборина ялгатненьди, но вяре
азф коммунистне ашезь му пин-
гештоба, сувамс ВКП(б) нь рай-
кому и оформить синьценъ реко-
мендацияснон.

ТАСС.

ПОЩАДАФТОМА МАШФНЕМС НАРОДОНЬ ВРАКНЕНЬ ЛЯДЫКС КОРЯНЬСНОН

ВКП(б)-нь ЦК-ть февральский пленумса Сталин ялгать исторический доклад, — та программа троцкистско-бухаринский и лия двурушникнен лядыкс коряньснот тарксемаснонды.

Шарьхкодезе ли ВЛКСМ-нь обкомсь та исторический документть? Конешна аш. Ашезе шарьхкод.

ВЛКСМ-нь обкомть бюроксембе эсь работанц ашезе шарфта комсомолста троцкистско-бухаринский наймиттнен, буржуазнай националисттнен и лия антипартийнай элементтнен лядыкс коряньснот тарксемаснонды.

Обкомть ингольден пингонь секретарец троцкистско-бухаринский наймит Иванось вятнезень шалхкта бисронь ляды членттнен.

Обкомть бюронц членонца и васендакига Родионова ялгась няезь, што та троцкистский лазутчиксь вятсь обкомса полукоткрытай вредительский работа. И киньге бюронь членттнен йоткста ашезе сата мужества, штоба разоблачиндамс та гадина, членттнен ашезе сата большевистский мужествосна таргамс та троцкистский лазутчикть действиянзон лангу.

Отчетно-выборнай кампаниясь минь республикасонок йотась афудовлетворительнайста. Врагсь Ивановсь злоумышленно йорась сяземс комсомолса отчетно-выборнай кампаниять.

Лама комсомольский организация выбрхне йотасть оцю нарушения мархта, а кой-кона организациясь выбрхне йотасть грубай политический извращения мархта. Рузаевкань районца Арх-Галипинань комсомольский организациясь революционно-классовой бдительность колга отчетно-выборнай пуромксса комсомолесне мезевок ашесть корхта. А та велень НСШ-са лама пинге вятеть эсь подлай тевонон троцкистский гадина Шемелевсь и Михайловсь. Zubovo-Полянаса Дубитель заводса комсоргокс ульсь кочкаф политически разложившай комсомолес, конач кирдсь кемя соткс церковникнен мархта.

Аф случайно ся, што республикаса сязьфт 103 отчетно-выборнай пуромкст.

Ивановть работань практика няфтезе, што сон, кода троцкистский иуда кяшендезень эсь паянзон алу народонь врагтнен.

„Комсомолонь вайгаль“ газетаста народонь врагть Виардть колга Ивановти ульсь пачфтьфт лама кулят, но сон ня сигналхнен лангс кодамовок мяль ашезе шарфня. Виардть, троцкистский тевонокса первичнай комсомольский организациясь панезе комсомолста, Ивановсь обкомть бюросонца настоял восстановить сонь меки комсомолу. Теньгушевский районца троцкистский группать расследовандама сон настанвал кучемс народонь врагть Кузьминть. Мекяли Ивановсь максь Теньгушевань райкомти санкция, штоба троцкистский поддонкат Бабина тевонон колга расследованья лоткафтомс.

Народонь врагсь Ивановсь эсь целензон инкса кяшендезень Шайговань райкомть ингольден пингонь секретарец, буржуазнай националистт Фенинтть, троцкистско-бухаринский поддонкат Рогожинть. Нят вракне Ивановть „руководстванц“ вельде ульсь кучфт райкомонь секретарькс определеннай вредительский целензон инкса.

Аф ваномок сянь лангс, што нят троцкистско-бухаринский наймиттнен районца комсомольский организациятнен работаснон калафтозь, а Ивановсь синь лувондозень инь цебарь секретарькс.

Ивановть ня сембе действиянзон содазь Родионова и Лисенков ялгатне, но синь эсь политический ротодействаснон сюнеда пельсть та подлеть эсь пингстонца разоблачандамс.

Эряви азомс, што Ивановть „руководстванц“ всльде ульсь примаф либеральной решения „Комсомолонь вайгаль“ газетать ингольден пингонь редакторонц Ларионовть колга.

Ларионовсь, — та особай тип. Сон эсь подхоломстванц мархта маштсь комсомолонь обкомть бюронц ингеле кяшемс ся действительность, конач тиендезе Ларионовсь.

„Комсомолонь вайгаль“ газетать редакциясонца лама пинге орудовали народонь вракне Виардсь и Порватовсь. Ларионовсь ня вракнен мархта сотрудничил. Виардсь „Якстерь галстук“ журналть злоумышленно ашезе нолия, Ларионовсь тянди способствал, панць тейнза апак работак зарплата. Виардсь редакционной работникнен йоткса тиендсь склокот, Ларионовсь тянди способствал.

Ларионовть инь кельгома работникоц редакцияса ульсь Порватовсь. Та врагть мархта сон разрешандакшнень редакцияса сембе организационно-политический кизефкснен.

Тяда башка Ларионовть врагтнеиди подсобнай работац няеви и эста, што сон сонць газетать лопаширесонца проповедовал кулацкий идеат.

Случайнайхть ли нят фактне? Аф. Аф случайнайхть. Та вракненди лездомань действия.

Ивановти аш кода ульсь Ларионовть мархта примамс сяда вишке мерат, сяс мес, Ларионовть работац лездсь Ивановть антипартийнай работанцты.

Ивановть подлай тевонон ульсь вскрытайхть нинга комсомолонь обкомть II-це пленумсонца, но сон педат-пес апак разоблачадаколь. Пленумсь верондазень Ивановть иудань сельмя ведензон, што сон, бта сембе безобразиятнен тиендсь эсь аф грамотнай шинц сюнеда, што сон маластонь пингть лядыкс работат и ст. тов. Аф шьорай азомс и Саранскяень ВЛКСМ-нь горкомть ингольден пингонь секретарец Левинть колга, конач ВЛКСМ-нь обкомсь валхтозе работаста. Левинць ульсь народонь врагть Ивановть сембедонга кельгома секретарец. Кие стамсь Левинць и кодама тефт тиендсь сон? 1931-це кизоня сон работась Инсарань районца ВЛКСМ-нь райкомонь секретарькс и эсь работанц пингста сонь урвац пондас прят. 1935-це кизоня сон маластонь ялгац народонь врагсь Ивановсь пугтозе Ардатовский району ВЛКСМ-нь райкому секретарькс, тая тага сонь работанц пингста кафта комсоргт пондаст прят. Сяда башка Левинць кирьнесь кемя соткс народонь вракнен и синь пособникснот Фенинтть, Рагожинть мархта.

Народонь врагсь Ивановсь содазень сембе ня возмутительнай фактнен Левинць колга, но ВЛКСМ-нь обкомть бюронь членонзонды тьян колга мезевек ашезе азонда.



Пролетарский революциянь 20-це годовщинань лемса автопробегсь. Снимкаса: технорук Г. И. Гордеевсь пробегта ингеле ункснот шинаста давленихть.

Фотось Сабельниковть (Союзфото).

Республикаса радиовещаниять состояниянц колга

ВКП(б)-нь Мокшэрзянь областной комитетть
путьфксоц августь 3 шистонца 1937 кизоня

ВКП(б) нь обкомсь лувондсь, што Шестов ялгать политический беспечностенц и политический бдительностенц пошкамманц сюнеда, политредакторсь Родинць тиендсь контрреволюционной лама вылазкат, конач ашихть сянь эса, што поступающей корреспонденциятнен и сообщениятнен эзда йорявсь политический эхерь важнай материалхне, конач разоблачают троцкистско-зиновьевский бухаринский шпионь и вредитель бандаць контрреволюционной деятельности.

Радиокомитетть работниконь составоц укомплектовандаф случайнай, апак проверак ломаньста (Мизин, Ликинов, Смирнова).

Передачань кемя планоц радиокомитетть аш, передачаньди материалхне аноклавихть эряскадозь, ламонц ня материалхнен качества на низкай. Радиопередачась пашкодкшнени аф эрявикс, ведомственай учреждения лекцияса, а ВКП(б)-нь ЦК-ть февральско-мартовский пленумсонца тиф Сталин ялгать доклад, МАССР-нь Конституциять проектоц, „Верховнай совету выборхнен колга положенихсь“, троцкистский контрреволюционной централь тевонон колга обвинительнай заключениясь, верховнай судть военной коллегиянц приговороц и ст. тов. — мокшень и эрянь кяльса не передавались.

Лувомок тьян, ВКП(б)-нь обкомть бюрок путнесы:

1. Шестов ялгати строгай выговор последний предупреждения мархта максомань колга ВКП(б) нь горкомть 1937 кизонь июль 28

шинь путьфксонц кемекстамс.

2. Политредакторть Родинть „мекольден кулян“ редактированиясь контрреволюционной действиянь поляманкса, конач выражаются корреспонденциятнен эзда эхерь политически важнай материалхнен нарнемаса, конач разоблачают троцкистско-зиновьевский шпионь и вредитель бандаць контрреволюционной деятельности — партияста панемс и таргамс судебнай ответственность.

3. Поручить СНК-ти ВКП(б)-нь обкомть культпросветделонц мархта марса кемонь шинь йоткста укомплектовать радиокомитетть проверак и работоспособнай ялгаса.

4. Лувомок радиокомитетть лангса Совнаркомть совершенно аф удовлетворительнай руководстванц, поручить МАССР-нь СНК-ти:

а) кемонь шинь йоткть проверакс комитетть сембе работниконь составонц и кемекстамс сонь выдержаннай и проверак кад-раса;

б) рассмотреть Всесоюзнай радиокомитетть инструкторонц Дорохов ялгать предложениянзон и примамс сембе мератнен республикаса радиовещаниять коренной цебарьгафтоманцты;

в) немедленно максомс помещення радиокомитетти.

5. Мярьгемс Панфилов ялгати рассматривать эрь пятидневкати передачань планть.

ВКП(б) нь обкомть секретарец обязанностенц исполняющаец ПОЛЯКОВ.

„Правда“ лемса ВКИЖ-ти аспирантурав примамась

„Правда“ лемса всесоюзнай коммунистический журналистикань институтсь азондсь, што 1937-це кизоня ВКИЖ-са аспирантурав примамать условиянза полафтфт. Аспирантурав примсвихть ВКП(б)-нь и ВЛКСМ-нь члентт, коначтнен ули высшай образованияна ули комсомольский али газетнай работань опытна.

Приемсь моли августь 20-це шинцты самс.

ВКИЖ-ть директороц В. НОДЕЛЬ,

Адресоц: Москву, ГСП 3 улица Кирова, кудсь № 13.



СНИМКА: политический и боевой подготовканы курсантсь отличниксь, комсомолец И. П. Денисов эсь частень связисттень йоткса лувондови инь цебарькс.

Фотось Дагаевонь (Союзфото).

62 низоса стахановец

Пакайкин Матвей Андреевичсь 1930 кизоня суvasь колхозу. Работай сон колхозса пяк честнайста и добросовестнайста.

Матвей Андреевичти топодсь 62 кизот, но сон ашезь тиендя фкявок ши прогул. Колхозникнень йоткса сон пяк авторитетнай, сяс мес сон работай пяк честнайста и добросовестнайста.

Матвей атянь колхозникне луводсаз инь почетнай, дисциплинированной колхозникс. Работамань нормань сон пашкеткшнесы ламода вельф и цебарь качествамархта.

— Стахановский работась можна сатомс аныцек честнайста и добросовестнайста работазь—корхтай Матвей атя—Кда сембе работалема честнайста и добросовестнайста, то сяда лама и сяда цебарь добра получалема колхозста. А тя сатови аныцек цебарьста работамать вельде.

Матвей атясь аф аныцек соньць цебарьста работай, но и колхозникненьди азонткшнесы эсь работань. Эсь звенасонза колхозникненьди азонткшнесы цебарьста работать значениянц и кодама вредканды калдыв работась.

Честнайста и добросовестнайста работаманкса колхозонь правлениясь ламоксть казеньдезе Матвей атянь.

Тячиень шить самс Матвей Андреевичсь тийсь 125 трудосит.

Афтайкин Любимкин.

Ковылкинань р-н
Ежка веле.

Испанияса фронттнень эзга

(ТАСС ть сообщениянзон коряс)

Центральной фронтсь

Августть 9-це шистонза Вильянуэва де ла Каньяда секторса (Мадрид кый фронт), республиканский войскактне отбили мятежникнень атакаснон. Мятежникненьди тийфт оцю юмафкст.

Мадридский секторса, аф ичкизе республиканский позициятень

эзда кривязьсь мятежникнень порохононь складсна.

Восточный (арагонский) фронтсь

Теруэль секторса Фркас де Альбарассин района мятежникне атаквали республиканецнень позицияснон. Тя атакать республиканецне отбили.

Каталонский правительствась аропнесы тылт враждебнай элементтнень эзда

Париж. Августть 10-це шистонза. Каталонский власттне мольфтихть энергичнай работа тылт чистендаманц инкса. Нат шитнень эзда Кане де Мар ошса обыскнень пингста полициясь мусь лама сядот винтовкат, бомбат и лама тьожятт патротт.

Барселонский полициясь Вальс ошкса арестовандась подозрительнай лама ломатть, конат пуропнесть тайнай пуромкст.

Багур местечкаса конфисковандаф оружиянь склад. Полициять мархта тяфта жа муф тайнай радиостанция.

Валенсия, августть 9-це шистонза. Каталонияса, Гранаольс ошкса полициясь мусь оружиянь склад, коса пяк ламоль взрывчатый веществада и 150 ручной гранатат.

Испанский фашисттнень зверствасна

Мадрид. Гибралтарста „Фабра“ агенствать сообщениязон коряс, Гибралтарский проливть побережьяса мятежникне, фортификационной работань тиенмаса пользования дайхть арестованнай республиканецнень трудснон мархта. Мзярда аделави ся али тона участкаса работась, сембе арестованнайхтнень фашисттне расстреливают. Арестованнай республиканецнень расстреливают сянкса, штоба вслучае мзярда сяськихть республиканецне, синь не могли ба азондомс сят

пунктнень, ков установленнайхть тяжелой орудиятне.

Апрельть 21-це шистонза тяфтама работань участника ульсть расстреленнайхть 60 ломатть. Лама республиканецненьди удалась вьоргодемс Гибралтару и азондомок мятежникнень зверстваснон.

Вьоргодф ломаттьне корхтайхть, што фортификационной работатне мольфтевихть Итальянский и Германский специалисттнень руководстваснон ала.

ТАСС.

СЕВЕРНАИ КИТАИСА ВОЕННАИ ПОЛОЖЕНИЯСЬ

Шанхай, 8. „Сен-рал ньюс“ агенства ь пачфни, што Чансиньди дансь несколько ши тяда ингеле ульсь оккупировандаф японский войскактнень марха.

Шанхай, 8. „Синьвеньбао“ газетась пачфни, што 400 ломаньста японский отрядсь Нанькоу горнай проходть видеса ушедсь вишке атака китайский войскактнень лангс. Тюремась мольфтевьс фкя частшка. Меколи японский войскактне ульсь потафтфт. Военный столкновеният эрь шиня йотнихть стания жа Явлияцва районца.

Лондон, 9. Японский войскактне исяк марнек сязовь эсь кядезост Бейпингть лангса властть. Нилетьожятт японский солдатт йотасть ошть эзга и занязь китайский главный казарматнень.

Пехотнай частьта башка, Бейпину састь кавалерийский отрядт, 15 танкат, 10 тяжелой орудият, полевой артиллериянь батареят, обоз и пяк лама снаряжения и военной имущества.

Токио, 9. „Ници—Ници“ газетать илядень издамиясонза печатлаф Шанхайский корреспондентть корреспонденцияц „Япониять мархта дипломатический переговорхнень одукс ушedomаснон инкса нанкинский попыкатнень“ колга. Пяк лац няеви,—сьормади корреспондентсь,—што Нанкинтьт мялец ушedomс дипломатический переговорхт—тя аныцек очередной кит

тайский маневра, сяс мес „ся пингти, мзярс нанкинский войскактненьди апак тик оцю удар, нанкинский правительствать не может улемс мирти серьезнай стремленияц“.

Дипломатический настоящий переговорыне кармайтхть улемя аныцек сяда меле, мзярда японский войскактне тийхть нанкинский войскактненьди военнай серьезнай поражения. Эста Япониясь сумеет сатомс антияпонский политикать эзда Нанкинтьт атказаманц. Тяниень условияса, аделакшнесы корреспондентсь, аш мезе и арьсемска китаиско-японский отношениятнень дипломатический разрешенияснон колга.

Токио, 8. Августть 6-це шистонза нижний палатань пленумсь фактически пренияфтома шназе Севернай Китайса событиятнень мархта расходонь омбоце дополнителнай бюджетть. Парламентонь сессиясь шназень правительствать сембе законопроектонзон кодамовок измененияфтома, фкада башка. Тянь лангс чрезвычайнай сессиять деловой работац фактически аделавсь.

Мекельдень пленумса верхний палатась, нижний палатать примеронц коряс, примась резолюция, конац терьди правительствать „ладямс вечнай мир восточнай Азияса, Китайса антияпонский настроятнень и антияпонский агитациять тапамаснон вельде“.



Снимкаса: Испаниянь республиканский армиянь популярнейшай полководецсь дивизиянь командирсь Эрик Листер. Фотось Р. Карменонь (СОЮЗФОТО).

Пионерский лагерьса

Июньть 15-це шистонза Ельникова панжевсь пионерский лагерь. Лагерьса ваймосихть колхозникнень идьсна, конат тонафнесть отличнайста и цебарьста. Пионерхне пингснон йотафнесазь пяк весяласта и культурнайста. 16 пионерхт максозь сембе норматнень БГТО-нь значекти.

Тяни лагерьса ваймосихть 67 пионерхт (омбоце сменась).

Аф кунара гражданский войнань партизань—орденоносець Суховялгась тиендсь беседа пионерхнень йоткса. Сон азондозе кода сяда ингеле эрясть минь алянке и тярянке и кода эрятама тяниень пингть. Сон азондозе, што партиясь, правительствась и кельгема вожденьке Сталин ялгась макссь советский идьтненьди счатливый и радостнай эряф.

Тя сменаса 24 пионерхт максозь сембе норматнень „БГТО-нь“ значекти и 11 пионерхт максозь норматнень „юнай ворошиловский стрелоконь“ значекти.

Пионерхне сембе, кода фкя ломань макссь вал, што тонафнемань од кизоста кармайтхть тонафнема аныцек отличнайста и цебарьста.

П. К.

Ельниковань р-н.

ОТЛИЧНИКНЕ ЛАГЕРЬСОТ

Отличнайста и цебарьста тонафнихне: Тестов Мотыкась, Махрова Аннась, Родина Верась, Шлаева Татясь кучфт ваймосемя республиканский пионерский лагеря.

Нят пионерхне аф аныцек тонафнесть отличнайста и цебарьста, но синь и активнай общественной работникт.

Тестовсь отряднай стенгазетаса редколлегиянь член, Родинась класснай стараста.

Лагерьса ваймосихть цебарьста и культурнайста. Тонафнема кизоть синь васьфтьсаяз одвий мархта, свежай прясса и тяфтажа кармайтхть тонафнема отличнайста и цебарьста.

Дм.

Атюревань р-н.

Культмассовой работась ладяф кальдявста

„Од ки“ колхозса паксяса рабачайхень и тяляхень йоткса кодамовок культмассовой работа аф йотафневи. Читкат, беседат колхозникнень йоткса аф эряйхть, газетат пачфневихть шуроста. Бригадатнень и башка колхозникнень йоткса соцсоревнованиянь договорхт апак кемокстакт, бригаднй стенгазетат аф нолневихть.

Тя кальдяв работать сюнеда ламоц колхозникнень йоткста производственной нормаснон аф пшккодкшнесазь.

Аш кода аф азомс, што партийно-комсомольский организациятне культурно-массовой работась ладьяманцы кодамовок мяль аф шарфнихть.

Аф сяда лац ладяф культмассовой работась Лемдйя велеса. Тя велеса аш клуб, аш избачитальня. Колхозникне ламоксть энялькшность велень советти, штоба церкавть оборудовандамс клубоньди, но велень советсь арьси тя тевть тиэмс тячи да ванды.

Шайговань р-н.

Д—н.

— 000 —

Таргамс колхозть прорывть эзда

В Лухмевский вельсоветса „Сталинонь Кигя“ колхозса сьоронь урядамась моли пак кальдявста. Тячнень шить самс нинге апак аделак розень лядемась, сьоронь тялямась, нинге апак ушедт. Тя колхозса видеф 90 гектархт сура, но сурось юмась тишетнень потмос. Колхозникнень йоткса общественной питаниясь ладяф кальдявста.

Аф кунара марстонь пуромксса колхозонь председателкс кочказь И. С. Рыскинтть, конац 1934 кизоня работась бригадиркс. Бригадиркс работась кальдявста, сонць воргьодкшность работаста, а тяни сонь кочказь колхознай руководителкс. Кладовщикокс кочказь И. Р. Хромовть, конац нинге 1934 кизоня, мзярда работась кассиркс колхозса тийсь растрата и тячнень шить самс апак таргакответс.

Тяста няеви, што колхозса сьоронь урядамась моли пак кальдявста сяс, мес тя колхозса пак кальдяфт руководителхне.

Минь надиятама, што тя колхозть руководстванцы шарфтыхть эрявикс мяль районнай организациятне, максыхть колхозникненьди лезкс и таргасазь тя колхозть прорывть эзда.

Ф. М.

Иисарань р-н.

— 000 —

Паксянь станца

„17 лет октября“ колхозса сьоронь урядайхень йоткса цебарьста ладяф культмассовой работась.

Стенань газетань редакторсь Т. П. Видясовсь и табельщиксь Г. С. Канайкинць, паксянь станца, эрь шиня сьоронь урядайхень йоткса обеденнай перерывста мо- рафнихть газетат.

Федронин.

Шайговань р-н,
Теризморга виля.

Нарушандакшнесы велень хозяйственной артельть уставонц

Ширингушский район. Оцяду велеса колхозонь председателсь ВКП(б) нь членць Завялкинць нарушандакшнесы велень хозяйственной артельть уставонц. Сонэсь волясонза распоряжается колхознай имуществать мархта. Аф кунара сон мись кафта усфт колхознай тише Ширингушский МТС-нь агрономти Чудайкинтти.

Колхознай добрать расхищени- янц инкса, Завялкинтти кодамовок мерат кивок ашезь прима.

Надиятама ВКП(б) нь райкомть лангс, што сон примаь соответст- вующай мерат тя безобразникть каршес.

Комсомолец.

— 000 —

„Чиновникнень“ таргамс ответс

„Валда ян“ колхозть бухгалте- роц Н. Шадскийсь и счетоводоц Афтайкин Иванць колхозса мезе вок аф работайхть.

Мезе синь тиеньдихть? Ши- нек-венек симоньдихть винада и хулиганендайхть.

Нят чиновникне колхозникнень мархта обращаются пак грубайста.

Шадскйсь эрьсь квартираса Любимкин колхозникть ширеса. Сон Любимкинть семьянцы ашезь макссе покой. Эрь шиня сай „ра- бота“ иредста и кармай урь- вянц пикссемонза.

Минь кизефнесакь колхозонь правлениять, мес тиярс тя безоб- разниксь апак валхтт работаста?

Л. А.

Ковылкинць р-н.
Емжа веле.

Аш уход

алашатнень мельгя

Ардатовань район Сталин ял- гать лемса колхозса эрь конюш- няса 5-6 конюхт, а алашатнень мельгя аш кодамовок уход. Ала- шатнень аф чистендакшнесазь, ка- пытаснон ашезь керсье. Алашатне якайхть кода калада карьса.

Алашатнень макссесазь киньди повсь, аф прикрепленной ломать- тненьди, конань сюнеда лама ала- шат шамордыхть сядласна то- пафт. Ашксна апак нумеровандакт. Лама алашат аихть конюшняса, сяс мес аш коданя лангсост ра- ботамс.

Тяста няеви, што тя колхозса каладкшни колхознай дисциплинась, кона канды калхозти и колхозник- неньди оцю вред.

Милкин.


Шиньдяев комсомолецсь юкстазе уставть

Минь организациясонок комсо- молецсь Шиньдяевсь комсомоль- ский организацияса кодамовок ра- бота аф вяти. Комсомольский пу- ромксса максф поручениятнень аф пшккодкшнесийне. Комсомоль- ский политшколаса аф тонафни. Тяда башка сон вятьсь колхозонь счетоводстваса разлогательский работа. Колхозникнень трудо- шиснон злоумышленно ашезень сьормадкшне.

Комсомольский организацияти тя разлогатель-комсомолецти при- мамс мерат.

Комсомолец.

Руззевкань р-н
Перкляй веле.



Республиканский Испаниянь „Хайме I“ крейсерсь.

(Союзфото.)

Комсомольский организациятне школатненьди аф лездыхть

Пурдашинский районца лама комсомольский организациятнень эса пцтай кодамовок работа аф йотафневи.

Аксеновка велеса комсомолса выборда меле фкявок комсомоль- ский пуромкс апак йотафт, ком- сомолецне, кода и тя инголе, по- литшколаса аф тонафнихть.

Ковылкинский комсомольский организацияса аф сяда лац ладяф политико-воспитательнай работась комсомолецнень йоткса. Тя орга- низацияса улихть комсомолецт, конат 4—5 ковонкса ашесть панне членский взност.

Районца комсомольский органи- зациятне кальдявста лездыхть од учебнай кизоти школатнень анок- ламаснонды.

Жегаловский НСШ ти тячнень

шить самс капиталнай ремонт- апак тик, Пурдашанский средняй школаса аф сатыхть кота класст. Лама школаса кальдявста моли учебнай пособиань анокламась, и школав пенгьянь анокламась.

Кой-кона комсомольский органи- зациятне либеральнайста ваныхть велень советонь председателх- нень и школань директорхнень лангс. Од учебнай кизоти школат- нень анокламаснон колга лама ком- сомольский организацият легкой кавалериянь рейдть тячимс ашесть йотафта.

Тя корхтай сянь колга, што ком- сомолонь райкомсь одс кочкаф- комитетонь секретарьхненьди и комсоркненьди лезды кальдявста.

Крюков.

Пурдашанский р-н.

Тонафнема кизоти школась аф анок

Маладкшни тонафнемань од ки- зось. Перхляень аф полной сред- ний школась тячнень шить самс апак отремонтировандак. Велень со- ветть председателец Я. И. Кубан- цевсь, школань директорсь Я. С. Бикеевсь школать ремонтонцы аф шарфнихть кодамовок мяль.

Надиятама РОНО-ть и РИК-ть лангс, што синь примахть соот- ветствующай мерат сянды, штоба куруконя ушedomс ремонтть и васьфтемс тонафнема кизоть це- барьста отремонтировандаф школаса.

Велеряй.

Руззевкань р-н.

ПАРТОРГАНИЗАЦИЯСЬ АФ ЛЕЗДЫ

Ичалковский районца лама ком- сомольский организациятнень эса кальдявста ладяф политиковоспи- тательнай работась.

Гуляевский комсомольский орга- низацияса комсомольский полит- школась аф работай. Аф союзнай од ломаньтнень йоткса кодамовок работа аф йотафневи.

Партийнай организациясь комсо- мольский работась ладьяманцы ко- дамовок мяль аф шарфни.

Партийнай организациясь кода- мовок мяль аф шарфни активнай комсомолецнень партиав анокла- маснонды.

Тя партийнай организациясь за- сореннай двурушнический элемен- та, кода С. С. Морозкинць, ко- нац партиав сувась эсь карьерис- тический целензон инкса. Пар- торгсь Семеновсь магазинца рабо- танц инкса максф судс.

Комсомолонь райкомсь, а тяфта- жа ВКП(б) нь райкомсь ня орга- низациятнень лангс кодамовок мяль аф шарфнихть. 1937 кизоня райкомста фкявок представитель- тя организацияти ашезь сашонда.

Мошкиков.

Ответ. редакторть инкса П. ЕЖОВ.

Уполномоч. главлито № Д—89. Заказ № 2545. Тираж 1335.

г. Саранск типография Красный Октябрь.